



一代之宏規者司其曲沃禘公
所以有彙修通志之

請也夫以郡邑之志體符國史纂
修者固當祇肅以將事況有

命自天者哉是志之爲事至重而
纂修之爲務至難不可不慎矣

朝城縣志

二

朝邑由續志旣成而後五十餘
祀紀載無聞其間時異勢殊風
土人物付之煙草雖有孟孝廉
托熊之遺編然厥功未集歛稿
深藏諸如故老之傳聞已不勝
凋謝之嗟矣頃緣奉檄修纂可

令徐允登集邑名賢用興厥初
桐於癸丑初秋承乏而與知焉
諸賢各出所記更相搜羅而孟
生據亦呈其先孝廉之藏本互
爲參詳彙編十卷綱一而目幾
六倍焉屬稿既定而問叙於余

余觀夫建革則有豐盛之思疆
域則有高深之慕賦役學校則
知耕讀之兼成風俗禮儀則知
古今之不遠睹職官而凜名義
更欣人物之挺出無窮覽藝文
而慕經綸益信災祥之相生有

自樂文之備而忘作之勞於是
知朝封之志可以彙天下之編
而進之

御前矣然是書之成也豈伊一人
力哉奉檄謀始則有若前令徐
允登署篆濮州州判李襄猷監

修則有若儒學訓導劉元禧邑
賢原任工部員外江世帶兼纂
修則有若原任澂江府通判王
猷遠舉人孟鏐拔貢李業恩貢
孟兆圖歲貢張萬壽纂修則有
若舉人趙昶歲貢賈世貞廩生

張額俊王名世孟孟據增生劉芳
聞張雲鵬附生粟人極校正則
有若附生謝塚陳止敬李翹森
採輯則有若廩生王建中督梓
則有若典史吳士斌幾經風雨
幾閱晨昏理必從經體必依史

有古綱目之遺徽焉桐樂是編
之成而堪爲不朽也故爲之叙
其梗槩云

康熙十一年九月

山東東昌府濮州朝城縣知縣
祖植桐謹撰

朝城縣志序

邑志纂成群頌我侯之嘉績曠舉
郵傳而西余聞風不禁輟然曰朝
邑其有起色矣乎往者侯製弁言
邑人附其意而揚旣之例也余不
敏其曷敢謝竊以志也者識也蓋

朝城縣志

謂識乎其地其人其事也的的原
隰草天木喬水流山峙忽焉離題
畫棟古蹟奇觀繡錯於大塊之中
而不朽者以出土氣厚則其人淳
土脉靈則其人秀于是名公巨卿
畸人義士接踵而振衣於上下千

百年之間而不可沒者又如是然
有其人必有其事或豐功偉烈燦
著旂常或幽德隱行干域名教何
者不可垂令模而示則倣哉設使
彤管不載簡冊無聞縱有龍游虎
瞰之與區堯顓禹肩之人夫補天

朝城縣志

浴日之鴻業亦終委之蔓草丘墟
焉已矣此廬陵涑水必欲續魯史
之傳燈而杜預鄭樵不辭考文獻
於備美非徒然也伏遇

當宁右文特允輔臣之請遍徵天下
郡邑乘以彙註一統之全書檄下

無弗兢兢唯命十五國同風盛治
走琅函芝檢於

闕下者何麟麟炳炳也余知展懌
宸聰當首推我二東何言之識其地
不過岱嶽東海之盛識其人不
過孔子之大識其事不過禮樂車書

朝城縣志

三

之美與夫魚鹽之富功利之強我
邑雖壤地褊小亦得與編次之末
洵不容不博稽逖覽訂殘補遺以
勒成一代信史也溯志之由來曾
重修於明萬曆戊午歷今五十餘
年之地理蒸變賦役更定職官科

貢似續俱付之闕如矣甚至燕井
飛雨今且淤塞臧公墓碣埋沒衰
草河源汜壅而不可尋燧樓傾圮
而莫之間我邑侯祖公以關東華
族來牧斯土輕徭薄賦百廢振興
以其餘力修石燕井於梵宮窮馬

朝城縣志

頰河之故渠創建二賢祠重飭文
昌閣允矣崇文教敦實行而仁聲
仁聞洽被於疆域土田者將與雲
日爭輝金石共永也余益輟然曰
朝邑其有起色矣乎是役也肇於
前任徐公閱數月而僅脫草而今

乃集厥大成矣余不獲從事於諸
君子之後分燈編摩而猶得瞻仰
餘澤煇誦而浩吟之是余之幸也
夫是余之幸也夫謹識之以充副
車焉昔

康熙十二年日躔星紀之次

朝城縣志

賜進士出身文林郎見任直隸順德
府唐山縣知縣邑人孫纘頓首撰

朝城縣志跋言

修志之事僅博洽云爾乎抑公堂正。正是賴焉余
謬承祖邑侯及諸君子搦管之命竊思客歲任滇
澂屬五志已爲蒐羅修葺詳序之矣况茲桑梓敬
止其何敢以不文辭又何敢以私心是任備見是
執乎謹取嘉靖年間志萬曆年間志及濮陽志並
孝廉家藏志段段參酌一一攷訂其有遺漏者必
僉曰此宜增入也然後增之其有浮蔓者必僉曰
此宜刪去也然後刪之其有差訛舛錯者必僉曰

朝城縣志

一

此宜改正也然後改之先草創次討論次修飾又
次潤色彙集篇帙奉呈祖侯椽筆裁定然後付之
剞劂焉考諸前賢而不謬俟諸後世而不惑即獻
之。上臺播之鄰封展卷瞭然而一十七里事蹟
經數百年歷歷如在目前矣行見庶而富富而教
康叔遺風復覩今日一以罄吾儕勤勤慎重之心
一以體祖侯延攬諮諏之雅更以昭垂

皇清撥亂反治一統無外之宏規也若夫需節愛寓勸

懲儆採問前志序之詳且悉矣茲何敢贅因記

編末惟曰註誤躄鳴是懼耳卽云賦成覆
哉罪甚罪甚

康熙癸丑菊月既望邑人王猷遠靜叟氏敬題于
眷德堂中



朝城縣志

舊志序

按周禮小史掌邦國之志大史外史掌書外令掌四方之志今郡縣之志固小史外史之遺也所關綦重哉吾邑故無志有之自天城周侯始時則嘉靖辛丑也迄今且八十禩矣往歲心海周侯雅意修葺之而未就丙辰秋晉陽張侯以奕世名家來撫吾邑甫三月政成化行即索邑乘觀之慨然嘆曰觀風問俗證今傳後惟志是賴今絕筆者垂三世其間有譌者缺者應增續者不亟修葺之恐杞

朝城縣志

卷之一

岳序

一

宋無徵興嗟尼父矣惡得以不急之務視之又惡得以道傍之舍漫爲之於是諏日開局命宿儒歐生仕任及庠彥孟生孔傳等七人草其梗槩侯乃殫精竭思搜故典覈事實譌者正之缺者補之續出者增之修飾而潤色之越數月而告竣凡爲卷有十爲目二十有八上之而天文地理次之而戶口田賦徵之而鳥獸草木以至循良之政績薦紳之懿行義夫節婦之雅操及廟堂之綸音與名公騷人之題詠洪纖悉具顯幽靡遺一展卷而宛然

日前方削稿侯令余寓目焉復屬余序之余不能以不文辭迺謬言曰志不欲太簡簡則恐掛一漏萬貽誚也亦不欲太繁繁則恐珠玉瓦礫並收也茲志也贍而核精而確繁簡得宜紀載得體允可爲信史爲完璧哉河南許州志關中武功志海內亟稱之吾邑茲志當與彼二志並傳不朽矣後之來牧吾邑者覩封疆則思保釐覩戶口則思撫循覩賦役之繁重則思節省覩循良之芳規則思媿美謂非此志激發之也不可不審惟是即邑之人

朝城縣志

卷之一

岳序

二

閱茲志而有感焉將指其人而嘉之曰某也忠孝某也方正某也清白某也科名不媿而閭里增光是宜矜而式也又或指其人而議之曰某也混于名教中某也蕩于矩矱外是宜省而戒也可興可觀以勸以懲蓋不減三百篇矣小補云乎哉於戲侯之功備矣侯太原之忻州人別號文海正德間二張侯先後令吾邑俱有善政而侯即其後人也其操則水蘖其才則霹靂手也神君慈母並頌輿人吏治文章卓冠當世行且膺內召秉鈞衡以澤

一邑者澤天下異日者將標之國史而華衮之循
良傳矣詎但烜赫邑乘已哉姑俟後之秉筆者

萬曆戊午夏六月之吉

賜進士通奉大夫奉勅整飭靖遠兵糧道食正二品

休陝西布政司左布政使兼按察司副使邑人岳

萬階撰

舊志序

夫志列國之史也周官外史掌四方之志凡夫體國經野表年類事貞文景哲觀風問俗端於是乎在朝城左跨齊魯右連趙魏壤沃風淳且近孔孟之居文獻俱存豈乏憲典余丙辰秋來牧茲土視篆之明日登者碩於庭詢其所宜罷行者章程法守罔不藜然可循惟邑乘闕焉非全無也舊有卷若干傳覽既久殘廢頗多是修葺之宜急矣惜才得其人既乃詢之朝人士衆以毆生仕任告以生

朝城縣志

卷之一

張序

一

宿儒年且高習聞邑中故實余故改容禮之生卽慨然草創脫稿授余余復慊邑先達方伯岳公暨平遙侯周公總其綱集庠髦孟生孔傳張生鳳鳴王公起蛟毆生雲陟張生德涵孫生觀泰張生名儒集其成諸君子欣然不余拒於是乎別其卷次定其門彙增其所未脩責其所未飭義例遵當代之制體格兼諸家之規其卷凡十其目凡二十有八是故首之圖經邑境在日中矣次之沿革邑人任且夕矣分門以稽事應城池以瀦水故次之

疆宇以慎封守市鎮以通有無故又次之徙此而壯居處則建置急傳露布則舖舍又急徙此而報神功取諸壇廟館賓旅取諸公署故志及之以表人文以章莫麗則於坊額山川以思往哲以仰徽猷則於古跡丘隴故志又次及之志田賦當撫字爲先而馬政兵防皆國家之急務志學校見教化爲本而風俗物產見土地之淳澆職官備紀其里氏而其功德之表著者叙之爲名宦人物統錄其行藏而其勛業之隆赫者捐之爲鄉賢志節烈所

朝城縣志

卷之一

張序

二

以徵女德志息綸所以彰聖典志藝文所以見才品至於寺觀災祥神異又淄黃之托居天地之奧秘也故列之爲外紀焉是編也綱舉目張昭如列眉武陽之襍槩雖千伯禩如在朝夕顧懿跡雖存於紙上而披閱實本於心源如觀一事則一事之究竟何如評一人即思一人之底蘊安有假真茹萃勸懲雙係是隨志役精神亦隨志見灑程是所貴乎諱志者也不然徒涉獵以供快愉甚非修志意也雖然又有譏焉好奇者率創大觀參